



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Historia Missionis Anglicanæ Societatis Iesv**

**More, Henry**

**Avdomari, 1660**

Watenarum Sedes. n. 4.

**urn:nbn:de:hbz:466:1-38320**

Quod si hæc donatio non sit fatis ampla ad fundandum Nouitiatum; redditus de anno in annum impendentur in augmentationem fundationis, donec affurgent ad summam mille quingentorum ducatorum annuorum, vel ad duo millia in vsum fundationis. Si vero tempore huius augmentationis Patri Personio, vel alteri Superiori Missionis post illum, vsum fuerit necessarium impendere partem aliquam huiusmodi reddituum pro bono Missionis, & pro conversione Angliae, quod iudicabit evidenter magis conducere ad Dei gloriam, id facere poterit, solicite restituendo præfatum redditum ut dictum est.

Sequuntur mandata de debitis & Legatis. Factum Vallisoleti 22. Decembris 1604.

Hæc nobilis & pia Heroina lanxit abdicandarum rerum cupiditate magis quam alij conseruandarum flagrans. Louanijs in Brabantia primum quæsita est hoc fundamento, Tyrocinio fides quam alij in alias deinde propagarunt. Quanquam etiam Personij temporibus tam se beneficam diuina largitas præbuit, ut conduxit iam habitationem in illustre domicilium commutatam te esse, cum opportunum foret, ostenderet.

IV. Est in finibus Flandriæ & Artesiae quâ Angliam spectant Mons, Menvatena napiorum olim fides dum mari Britannico allueretur: Nunc, recedentibus rum fides, vndis ad duodecim prope millaria, medius eminet Grauelingam inter & Castellum, cingiturq; ciuitatibus maritimis Duynkerke, Bergis-Sancti-Winoci, Audoaro, quarum facile est commercium ductis ad singulas ex Colma & Aa fluminibus præterlabentibus, canalibus, auctisque aquâ in valle stagnanti. In eius Montis planicie quæ pago Watenensi imminent, Clementia Comitissa Flandriæ, Roberti Frilonis nurus, anno à Christo nato millesimo septuagesimo secundo posuerat templum in honorem Beatissimæ Virginis, & Sanctorum Nicolai, & Richerij, dicatumque per Episcopum Atrebensem dotaverat amplis possessionibus, ornaueratque Sanctorum reliquijs à duce Apulianis acceptis. Cui templo deinde cum consequentes Principes plura ædificia & prædia & Religiosos Patres ex Canonicotum Regularium instituto addidissent, ab Offrido primo eorum Præposito triginta alij in eadem dignitate successive numerabantur, viri pietate & prudentiâ conspicui, qui & gratiâ Principum, & auctoritate quâ valebant in generalibus ordinum Patriæ conuentibus, magnis familiam illam priuilegijs decorarunt, auxeruntque prouentibus; censiebanturque in redditibus annua viginti quatuor Florenorum millia. Copia (vt plerumq; sit) desidia, desidia contemptu disciplinæ procreante, tantus paulatim inualuit luxus, tam immanis licentia, ut improbitati, nequitie, sceleri, libidini nihil reliquum esse videret. Centum & sexaginta postremis annis cum nullum reperiretur eo in corpore sanum membrum quod cæteris mederi posset, adsciti sunt ex alijs Monasterijs, alijsque ordinibus qui Præpositi locum implerent; irrito omnes cotatu, ut necesse tandem fuerit Caroli quinti Imperatoris vt potestate ad flagitiosos & perditæ nequitia homines compelendos puniendosque. Tum vero cum noui Episcopatus eo imperante

te erigerenter in Belgio, & Teruanensis bellis dirutæ & antiquatæ sedis prouentus diuiderentur in Boloniensem, Iprentem, Audomarensem, huius men-  
sæ additum est id Monasterium Pio quinto concedente, paucis qui reman-  
serant Canonicis illius Episcopi curæ traditis; qui cum ab tumultuantibus  
per Belgium Hæreticis incenso Monasterio Audomarum profugissent, locum  
non mores commutarunt, sed mortuo Domino de Hamericourt (ex Abbe  
Sancti Bertini Audomarensum primo Antistite) naeti ex suo corpore Præpo-  
situm, is sacrâ tūpellestile atque argenteis vasis quæ ex communi incendio  
fuerant crepta diuenditis, abiit in Hollandiam, & correptus pestilentia me-  
ritas sacrilegij dedit pœnas. Tres vel quatuor reliqui, quanquam in ædes Epi-  
copales translati, de Episcopi mensa (ne pristina levitate intuentum oculos  
animoque offenderent) nutrimentur, nullam spem fecere probita-  
tis tantæ quantam nouum Monasterium in veteris ruinis erigendum po-  
stulabat.

Iacobi  
Blasii Epi-  
scopi Au-  
domaren-  
piae cogita-  
tiones

V. Pius Quintus in donatione quam fecerat Audomarensi, iusserrat vi-  
scum & vestitum ac cetera necessaria octo Religiosis ex reliquo prouentu  
tribui, qui Dei cultui eo in Monasterio conseruando promouendoque  
operam darent. Id per annos propè triginta factum non fuerat cum Iaco-  
bo Blasio, ex Diuī Francisci familia Religiosissimo viro, sedes Episcopalis  
commissa est. Quamvis enim is qui ante cum fuerat Antistes Dominus d'I-  
uernois, quædam quæ ad ædificia spectabant instaurarat, sperans vel antiquos  
restituere, vel ex suo Sancti Dominici instituto novos eo loci imponere Reli-  
giosos, nihil tamen vt perficeretur mors superueniens effecit. Blasius neque  
veteribus incolis neque suis tutam existimans habitationem, ad longinquio-  
ra cogitationem intenderat. Habebat etiam ipse ante oculos positum Ado-  
lescentum Anglorum Seminarium, quos inopia domesticæ ad virtutem &  
literas educationis regno pullos Regis Hispaniensis liberalitas Audomari col-  
legerat; familiæ plures Anglorum in eandem ciuitatem confugerant ut Re-  
ligione, quā sine summo metu summoque discrimine domi colere non pote-  
rant, foris in pace & quiete finitimæ ciuitatis fruerentur, Sacerdotes exilio ex-  
turbati frequentes commigrarant nouas sibi sedes quæsiturae; mulctæ pecuni-  
arie, carceres, cædes in Anglia plurimorum fidei solius caufa quotidie nun-  
tiabantur, quibus lectarij auitam fidem Regno pellere, Schisma Hæresimq;  
stabilire nitiebantur. In Flandriæ vicinis oppidis ad idem Hollandi collima-  
bant ferro tentantes viam: Nitendum igitur contrâ Religioso viro videbatur,  
vt quod uno in loco Hæresim moliebatur destruere, alibi sustineretur: Iamq;  
animo agitauerat Clementem Octauum Pontificem eò si quo modo posset  
inflectere ut quæ alimenta paucis Monachis ex decessoris voluntate attribu-  
enda essent, libera sibi relinquenter ad Catholicam causam ubi maxime  
commodum esset sustentandam: Latius enim patere id opus quam quod à  
paucis quantumuis Religiosis viris priuatim præstaretur: Per id tempus præ-  
cebat Seminario Anglorum Aegidius Schondonchus & accepereat à Personio  
literas